

# Faahororaa no te *Faaineineraa* no te *putuputuraa Oraraa e taviniraa*

## 1-7 NO EPERERA

TAO'A RAU BIBILIA | KORINETIA 1, 7-9

**"E nehenehe te feia faaea taa noa e oaoa"**

w08-F 15/7 27 par. 1

Mana'o faufaa o te rata no to Korinetia

**7:33, 34—Eaha "te mau mea o teie nei ao" ta te tane aore ra vahine faaipoipo e haapeapea ra?**

Ua parau Paulo no nia i te mau tapitapiraa o te oraraa ta te mau hoa faaipoipo e haapeapea ra. Te vai ra te tapitapiraa no nia i te maa, te ahu, te nohoraa, eiaha râ no nia i te mau ohipa ino a teie nei ao ta te mau Kerisetiano e patoi ra.—Ioane 1, 2:15-17.

## A RAVE MAITE I TA OE TAVINIRAA

w12-F 15/11 20

Uiraa a te feia taio

**E faaite anei ta lesu mau parau i roto i te Ma-taio 19:10-12 e ua fana'o te Kerisetiano, tei ma-iti i te ore e faaipoipo, i te ô o te faaea-taa-noa-raa na roto i te hoê ravea maere mau?**

A tapao na i te tupuraa i paraparau ai lesu no nia i te faaea-taa-noa-raa. A paraparau ai te mau Pharisea ia lesu no nia i te faataaraa, ua haapapu lesu i te faaueraa ta lehova i haamau no nia i te faaipoiporaa. Noa 'tu ia au i te ture a Mose, e nehenehe te hoê tane e papai i te hoê parau faataaraa e ta 'na vahine mai te peu ua ite ia 'na ua rave te vahine i "te hoê ino," e ere tera tei opuahia i te omuaraa. (Deut. 24:1, 2) I muri iho ua parau lesu: "Te tane o te faataa i ta 'na vahine faaipoipo tei ore i rave i te peu taotoraa tia ore, a faaipoipo atu ai i te tahi atu, ua faaturi ia."—Mat. 19:3-9.

A faaroo ai i te reira, ua na ô te mau pipi: "Mai te peu e mai tera te faaipoiporaa, mea au a'e ia eiaha roa 'tu e faaipoipo." Pahono atura lesu: "E

ere o te taata atoa te farii i tena parau, o te feia ana'e râ e fana'o ra i taua ô ra. Te vai ra o te ore e faaipoipo no te tahi fifi i to ratou fanauraahia mai, te tahi pae no te mea ua patehehia ratou, e te vai ra o tei faaoti eiaha e faaipoipo no te Faatereraa arii o te ra'i. Te taata e tia ia 'na ia farii i te reira, a farii ia."—Mat. 19:10-12.

Te mau eunuka, o te mau taata ia e te hoê ha-peparaa mai te fanauraa anei aore ra roohia i roto i te hoê ati aore ra na roto i te otitiraahia. Tera râ, te vai ra tei faaairo ia ratou ei eunuka. Noa 'tu e nehenehe ratou e faaipoipo, e haavi ratou ia ratou iho e e vai taa noa ratou "no te Faatereraa arii o te ra'i." Mai ia lesu, ua maiti ratou i te faaea taa noa no te mau ohipa a te Faatereraa arii. Aita ratou i fanauhia e te ô o te faaea-taa-noa-raa, aita atoa ratou i fana'o i tera ô. Na ratou iho i farii aore ra i maiti i tera tupuraa.

Ia au i ta lesu i faahiti, ua faataa te aposetolo Paulo e farii te Atua i te taviniraa a te mau Kerisetiano atoa, tei faaipoipohia anei aore ra tei faaea taa noa. Tera râ, "mea maitai a'e" te Kerisetiano "tei papu i roto i to 'na aau" ia faaea taa noa. Eaha ia te auraa? E mea titauhia i te taata faaipoipo ia faaohipa i to 'na taime e puai no te faaoaoa e no te aupuru i to 'na apiti. I te tahi a'e pae, eita te feia faaea taa noa e amo i tera hopoia, a nehenehe atu ai e tavini atu â i te Fatu. No ratou, ua riro te faaea-taa-noa-raa ei "ô" no ô mai i te Atua.—Kor. 1, 7:7, 32-38.

No reira, te parau ra te Bibilia aita te Kerisetiano e fana'o i te ô o te faaea-taa-noa-raa na roto i te hoê ravea maere mau. Na 'na e maiti i tera tupuraa ma te faaea taa noa ia nehenehe oia e ohipa atu â no te Faatereraa arii ma te ore e haafihia. I teie mahana, e rave rahi tei papu i roto i to ratou aau ia faaea taa noa no te Faatereraa arii. E mea maitai ia ia faaitoito ia ratou ia tatau i te na reira.

## 8-14 NO EPERERA

### TAO'A RAU BIBILIA | KORINETIA 1, 10-13

#### A maimi i te mau poe pae varua

w15-F 15/2 30

#### Uiraa a te feia taio

**E titauhia anei i te hoê tuahine ia tapo'i i to 'na upoo a faatere ai oia i te hoê haapiiraa Bibilia e te hoê tane taata poro?**

■ I roto i te tumu parau “Mau uiraa a te feia taio” neneihia i roto i *Te Pare Tiiraa* o te 15 no Tiurai 2002, ua papaihia e titauhia i te hoê tuahine ia tapo'i i to 'na upoo mai te peu te faatere ra oia i te haapiiraa Bibilia apitihia e te hoê tane taata poro bapetizohia aore ra aita. A hi'opoa atu â 'i i tera mana'o, e titauhia ia faatano i tera aratairaa.

Mai te peu ua bapetizohia te tane taata poro tei apiti i te tuahine i roto i te hoê haapiiraa Bibilia haamau-maitai-hia, e tapo'i te tuahine i to 'na upoo. E faaite ia oia i to 'na tura no te mau faanahoraa ta lehova i haamau no nia i te tiaraa upoo i roto i te amuiraa Kerisetiano. Te rave ra hoi oia i te hoê hopoia a te hoê taeae. (Kor. 1, 11: 5, 6, 10) Peneia'e, e ani oia i te taeae ia faatere i te haapiiraa mai te peu e nehenehe ta 'na.

I te tahi a'e pae, mai te peu te faatere ra te tuahine i te haapiiraa Bibilia haamau-maitai-hia e te hoê tane taata poro tei **ore i bapetizohia** e e ere i ta 'na iho tane, aita te mau Papai e titau ra ia 'na ia tapo'i i to 'na upoo. Teie râ, e turai paha te mana'o haava o te tahi mau tuahine ia tapo'i i to ratou upoo i roto i tera huru tupuraa.

## 22-28 NO EPERERA

### TAO'A RAU BIBILIA | KORINETIA 1, 14-16

#### A maimi i te mau poe pae varua

it-1-F 1181

#### Te huru tahuti ore

E faatiahia te mau Kerisetiano faatavaihia mai ia Iesu. E fana'o ratou eiaha noa i te ora mure ore,

i te pohe ore atoa râ e te huru tahuti ore. Ua ora e ua tavini ratou ma te taiva ore. Ua pohe ratou i roto i te hoê tino taata o te tahuti. E fana'o râ ratou i te hoê tino varua o te ore e tahuti, ia au i ta Paulo i haapapu i roto i te Korinetia 1, 15:42-54. E au ra e te pohe-ore-raa, o te hoê huru oraraa ta ratou e fana'o. Mea mure ore e mea pohe ore. Area te huru tahuti ore, e au ra e ua taaihia i te tino ta te Atua i horoa ia ratou, te hoê tino o te ore roa 'tu e ino aore ra e mou. No reira, e au ra e ua horoa 'tu te Atua i te puai ia nehenehe ratou e ora noa e aita to ratou ora e taaihia ra i te tahi atu puai mai te taata e te melahi. Mea putapû mau te reira inaha te faaite ra te Atua i to 'na tiaturi rahi ia ratou. Noa 'tu râ te ora ra ratou ma to ratou iho puai e aita to ratou tino e mou, te vai noa ra ratou i raro a'e i te mana o te Atua. Mai to ratou Upoo o Iesu Mesia, e tamau ratou i te auraro i te hinaaro o to ratou Metua e i ta 'na mau aratairaa.—Kor 15: 23-28.

## 29 NO EPERERA-5 NO ME

### TAO'A RAU BIBILIA | KORINETIA 2, 1-3

#### A maimi i te mau poe pae varua

w16.04-F 32

#### Uiraa a te feia taio

**Eaha te “haapapuraa” e te “tapao” ta lehova e horoa ra i te mau Kerisetiano faatavaihia atoa? —Kor. 2, 1:21, 22; nota.**

■ **Haapapuraa:** Ia au i te hoê tuatapaparaa, te ta'o Heleni hurihia ei “haapapuraa” i roto i te Korinetia 2, 1:22, o te hoê ia ta'o tei au i te ture e i te ohipa tapihooraa. O te hoê ia tuhaa moni aufauhia hou a fana'o ai i te tahi tao'a. Ia au i te ture, e haapapu tera aufauraa e e fana'o oe i tera tao'a aore ra mea papu te faaauraa i rotopu e piti taata. Ia au i te Korinetia 2, 5:1-5, e fana'o te feia faatavaihia i te taatoaraa o ta ratou tufa a horoahia 'i ia ratou te tino varua tahuti ore. I roto i tera tufa, te vai atoa ra te ô o te pohe-ore-raa.—Kor. 1, 15:48-54.

I roto i te reo Heleni o teie tau, hoê â ta’o te faaohipahia no te hoê tapea rima momo’araa. Mea au maitai tera faahoho’araa no te feia e riro mai ei tuhaa o te vahine taipe a te Mesia.—Kor. 2, 11: 2; Apo. 21:2, 9.

■ **Tapao:** I te tau tahito, e faaohipahia te hoê tapao mai te hoê tarimaraa o te haamau roa i te hoê faturaa, te hoê papai e nehenehe e tiaturihia aore ra te hoê faaauraa. No te feia faatavaihia, ua “tapaohia” ratou maoti te varua mo’a e no te Atua ratou. (Eph. 1:13, 14) E tapao-noa-hia ratou i te taime hou a pohe ai ma te taiva ore aore ra hou a’e te haamataraa o te ati rahi.—Eph. 4: 30; Apo. 7:2-4.

### **w10-F 1/8 23**

#### **Ua ite anei oe?**

**Eaha ta Paulo i hinaaro e parau a faahiti ai oia i te “poroteraa upootiaraa”?**

■ Ua papai o Paulo: “Oia [te Atua] te aratai noa ia tatou i roto i te hoê poroteraa upootiaraa i pihai iho i te Mesia, e na roto ia tatou e parare ai i te mau vahi atoa te no’ano’a o te ite no nia ia ’na! E au tatou o te poro ra no nia i te Mesia i te mea no’ano’a no te Atua. E ua raea te feia e faaorahia e te feia e haapohehia i teie no’ano’a. No te feia e pohe, e hau’a pohe ia o te aratai i te pohe, area no te feia e ora, e hau’a ora ia o te aratai i te ora.”—Korinetia 2, 2:14-16.

Ua hinaaro te aposetolo e faahiti i te peu Roma o te haamau i te poroteraa no te faahanahana i te hoê tenerara tei upootia i nia i te mau enemi o te fenua. I taua poroteraa ra, e faaiteitehia te mau tao’a e te feia haruhia i muri a’e i te tama’i. E afai-atoa-hia te mau puaatoro oni no te tupai atu e e faahanahana te nunaa i te tenerara e ta ’na nuu tei upootia mai. I te hopea o te poroteraa, e faatusiahia te mau puaatoro oni e e haapohehia e rave rahi o te feia tei haruhia.

Te auraa o te faahoho’araa o “te mea no’ano’a” no nia i te Mesia, o te ora ia no vetahi e te pohe

no te tahi atu. Ia au i te hoê buka ite rahi (*The International Standard Bible Encyclopedia*), pe-neia’e no ò mai tera faahoho’araa i te mau peu a to Roma tei tutui i te mea no’ano’a i te roaraa o te poroteraa. E haamana’o te mea no’ano’a i te upootiaraa, oia atoa i te haapoheraa o te feia haruhia.